



22 OCT, 2022

PTKM Kuala Lipis siap Ogos 2023

Sinar Harian, Malaysia

Page 1 of 2

PTKM Kuala Lipis siap Ogos 2023

Pasar Tani Keluarga Malaysia yang menelan belanja RM3.11 juta menyediakan 58 lot niaga

Oleh **ROSILAWATI ROSEDI**
LIPIS

Pasar Tani Keluarga Malaysia (PTKM) Kuala Lipis yang menelan belanja RM3.11 juta serta menyediakan 58 lot niaga dijangka siap sepenuhnya pada Ogos 2023.

Timbalan Menteri Pembangunan Luar Bandar I, Datuk Seri Abdul Rahman Mohamad berkata, dengan kewujudan PTKM, usahawan tani tidak perlu risau lagi dengan hujan, pemindahan tapak pasar tani atau pasar tani ditutup disebabkan faktor pembangunan setempat.

Menurutnya, jumlah urus niaga usahawan akan meningkat dan seterusnya dapat meningkatkan pendapatan usahawan.

"Ia juga dapat mengurangkan masalah pemasaran hasil-hasil pertanian. PTKM kini sudah menjadi sebahagian daripada budaya masyarakat kita.

"Ia menjadi rutin mingguan atau bulanan terutama bagi golongan ibu untuk membeli barangan segar serta keperluan dapur untuk keluarga masing-masing," katanya sempena majlis pecah tanah tapak pasar tersebut di sini pada Jumaat.

Hadir sama, Timbalan Ketua Pengarah (Khidmat Pengurusan) Lembaga Pemasaran Pertanian Persekutuan (FAMA), Rosilawati Abu Hassan dan Pengarah Fama Pahang, Saiful Sadri.

Sebelum ini, Perdana Menteri, Datuk Seri Ismail Sabri Yaakob telah mengumumkan pertukaran nama Pasar Tani Kekal (PTK) kepada PTKM semasa ucapannya dalam program Jelajah Aspirasi Keluarga Malaysia peringkat Negeri Sembilan pada 8 Oktober lalu.

PTKM bertujuan mewujudkan ruang pasaran kepada petani dan usahawan bagi memasarkan hasil pertanian mereka terus kepada pengguna di bawah tapak yang kekal.

Sehingga kini, terdapat 36 buah lokasi PTK di seluruh negara yang beroperasi dengan melibatkan implikasi kewangan



Abdul Rahman (tengah) mendengar penerangan daripada Saiful (kanan) mengenai PTKM Kuala Lipis pada Jumaat.

keseluruhan pembinaan berjumlah RM152.97 juta.

Seramai 2,323 peserta PTKM telah mendapat manfaat dalam menjalankan

perniagaan di bawah PTKM dan pencapaian nilai jualan PTKM sehingga September 2022 telah mencatatkan RM175 juta.



22 OCT, 2022

PTKM Kuala Lipis siap Ogos 2023

Sinar Harian, Malaysia

Page 2 of 2

SUMMARIES

Pasar Tani Keluarga Malaysia yang menelan belanja RM3.11 juta menyediakan 58 lot niaga

Pasar Tani Keluarga Malaysia (PTKM) Kuala Lipis yang menelan belanja RM3.11 juta serta menyediakan 58 lot niaga dijangka siap sepenuhnya pada Ogos 2023. Timbalan Menteri Pembangunan Luar Bandar I, Datuk Seri Abdul Rahman Mohamad berkata, dengan kewujudan PTKM, usahawan tani tidak perlu risau lagi dengan hujan, pemindahan tapak pasar tani atau pasar tani ditutup disebabkan faktor pembangunan setempat.